

續修岢嵐州志總目

原叙 修志姓氏 圖考

卷之一

疆輿志

星野 建置 沿革 疆域

卷之二

形勝志

山川 名勝 景略 古蹟 陵墓 城池
街衢 關鎮 市集 都鄙

卷之三

衙署志

公署

倉儲

驛鋪

坊表

學校

義學

文場

學田

卷之四

祀典志

廟祠

寺觀

卷之五

賦役志

田賦
戶口
驛站

卷之六

職官志

監司

知州

學正

吏目

卷之七

兵防志

兵制

汛防

營官

卷之八

選舉志

甲科 鄉科 拔貢 歲貢 武甲科 武

鄉科 援例 雜職 官廕 貤封

卷之九

人物志

鄉賢 孝義 節婦 隱逸 僑寓 方技

卷之十

風土志

民風 禮儀 歲時 土產 祥異

卷之十一

藝文志上

頌表傳記碑序文

卷之十二

藝文志下

詩詞歌賦

奇嵐州志卷之十二

藝文志下

詩 五言古

送尤昇庵還太原

袁鏘珩

翼城人
壬午

南國有奇士綺齡振弱翰瓌姿一何偉煙雲繚

筆端秋風桂子香春雨杏花翻薄言采盈矧珥

節出長安秦淮佳勝地閭海以不冤謳思餘去

後至今說李官誰寔啄蛾眉左遷及太原回首

謝吳粵高歌行路難五載晉陽水落落日孤鶩

山後十八州奇嵐最彫殘
兒嘯須慈媪魚勞畏
急湍一自使君來政和民已驩
霜操鬼破膽清
心五夜寒人生貴行意吏隱何足歎
願更崇明
德令名矢勿諉道傍班馬鳴揮手勸加餐

東山紀遊

孫織錦

潁川學憲

邊州校士竣驅馬登東山
旭日散林木晴嵐護
疊關屏騶恣緩步扶杖踏茅菅
石磴斷仍續鳥
踪細復彎參差高下疊紅綠
錦文斑雲卧蒼茫
裏洞門杳靄間遠觀峰作礪
俯瞰水如環我欲

偶升去高高不可攀何年掛錫者息假餘嫵嫵
事業前修邈清風良晤艱炎氣渾不到與我且
怡顏曠覽消諸慮猶然鶴共閒主人能醉客欣
賞歡情嫵爲愛絕塵地相期再往還

雪山遠眺

聞說此山好披圖幾卧遊深林聳箇箇瀑布飛
瀏瀏雪積澗含凍雲封寺轉幽空王如可問還
約駕車輜

東山寺遊

言風州志 卷之十一
登山遠市駕羅刹可傳杯傑閣瞻霄漢諸天遍
斗台探奇迂鳥道瀑布飛瀏隈藥殿依巖合珠
宮近岸開捫蘿看斷碣拂蘚陟鬼臺幽壑浮清
瀨空階長綠苔蘭沉僧入定鐘響客新來登臨
剩感慨形勢自崔嵬乾坤真幻界人世幾浮堆

詩

七言古

塞寒篇

明李炳大參

邊城三月寒飛雪四月凌晨風更烈已夏不解

試春衣一裘未厭千鶉結南山斫草無青漪

水西流去不停人，椎復畏商他市坐。束饑寒命，
若螢家有丁男耕作苦。終歲營營在泥土，穫來
舂米急公租。少剩糠粃潤懸釜，幼兒十歲就外
傳。號寒啼饑讀章句，縱能射策中君王。依然甕
牖一寒素，世有人貧在皮膚。此地人貧却入骨，
郊原漭蕩荆榛多。額征不減當時牘，非無召杜
殫心勞督郵。踣厲安能逃難將，鵠肉醫瘡孔祇
應瑣尾相號咷。相號咷淚如雨，百憂展轉悲無
已。復聞鐵騎齧巖疆，角弓厯亂羽書布。倘然按

籍點中男終朝枵腹憑誰哺君不見綺閣催花
醉舞筵上林鳥獸羽毛鮮安得先春燠寒谷平
分挾纈照堯年

贈袁卧侯

袁鏘珩

吾家黃帝之苗裔或處江南或朔北四世三公
何藹藹六朝風流接異代眇余綺歲弄柔翰讀
書幾會窺豹半饑來逼我強作吏棄盡平生徒
內媿秋風跨蹇岢嵐城不乏山光兼水聲掌大
一枝浩自如誰能彈鋏歌無車有時間月城頭

望署裏光燄萬丈長寶劒淪歇幾千載

卧侯豐城人

定有異人此焉在天涯何處少相知與君况自
同根枝人生契分會有緣益信此來匪偶然不
爾君家西江我河東濶絕惟是馬牛風胡然萍
集一城中聞聲相慕將無同山亦不在高水亦
不在深夢邊命駕渺難尋室邇人遐勞我心

趙子瑜堂翁初度

山後諸山山之母大行王屋皆亞旅誰實建瓴
拊其背嵒嵐曰在最高處環城列旄若繁星頰

揖恒霍爲弟兄石田礲塔風霜惡煙火蕭蕭少
人耕五馬竭來自燕雲亦謠慈父亦神君衙舍
花飛夜深深一簾明月映琴心秋來風景真清
絕八璫新聲譜瑤闕筵前有棗大如瓜青種閒
啄丹砂屑鯁生三載管涔水冷氈高挂五雲裏
心豔紫氣繞懸弧歌罷攬揆鼓矍矍

奉酬卧隱宗翁

袁

雪

豐城人
文學

羈人夜半吟黃葉檐露無聲濕衫褶緬憶伊人
月在天咫尺何緣望眉睫憐予破硯走西陲君

亦來茲坐虎皮論宗同屬軒轅氏或肯容予駢
拇枝投我詩章如相見珠璣亂落蛛絲面筆端
意氣何縱橫小巫蕭索胷魂戰念君秋卧蕭齋
裏布被匡牀濕嵐泚鼠雀窺人狄夜啼細雨清
霜打窗紙夢回欲眠不得眠苦吟獨自聳詩肩
詩成示子子尙讀書聲喋喋鐘聲圓

壽李煥章父臺

岳觀瀾

嵐山秀削環漪水瑞氣融融浮新紫中有大牧
稱仙人陽春脚走關山裏桃吐萼兮柳垂青忽

見東風懸歲星鴻鴈嗷嗷翔樂土鳴鼓晝偃靜
旗亭堯天舜日逢時泰純固敦龐民永賴絃誦
聲傳井里中桑麻綠遍郊墟外刑清政簡坐黃
堂一片冰心皎月光吏肅秋霜民甘雨人言疑
是錦河陽二月欣逢壽域開雲璈玉管紫霞杯
笑進南山千石酒遮莫山城是蓬萊王喬雙舄
生羽翰還看指日飛天半金貂鐵豸五色驄年
年常侍明光殿

詩
五言律

嵐州作

唐
杜審言

此地春光晚邊城氣候寒
往來花不發新舊雪
仍殘水作琴中聽山疑畫裏看
自驚牽遠役艱
險促征鞍

蘆芽山

宋
潘 閬 修撰

此地絕炎蒸猶疑到不能
夜深如有雨寺靜若
無僧枕潤連雲石窗明照佛燈
平生多賤骨寒
逼恐難勝

輓折克行經畧

張舜民